

ხელშეკრულება
სახელმწიფო შესყიდვის შესახებ №

დაბა ხულო

..... 2018 წელი

ერთის მხრივ ხულოს მუნიციპალიტეტი (შემდგომში – „შემსყიდველი“) წარმოდგენილი მერის გოჩა მელაძის სახით და მეორეს მხრივ (შემდგომში - „მიმწოდებელი“) წარმოდგენილი დირექტორის სახით, ორივე ერთად წოდებული როგორც „მხარეები“, ელექტრონული ტენდერი აუქციონის გარეშე ჩატარების შედეგად ვაფორმებთ წინამდებარე ხელშეკრულებას სახელმწიფო შესყიდვის შესახებ შემდეგზე:

1. ხელშეკრულების საგანი

1.1 საერთაშორისო ფოლკლორული ფესტივალის ჩატარების ღონისძიების ორგანიზების მომსახურების შესყიდვა. (CPV 79900000).

1.2. ხელშეკრულებით გათვალისწინებული მისაწოდებელი მომსახურების აღწერა მოცემულია ტექნიკური პირობები დანართი №1-ით და ფასების ცხრილი დანართ №2-ით რომლებიც წარმოადგენენ ხელშეკრულების განუყოფელ ნაწილს.

2. ხელშეკრულების ჯამური ღირებულება

2.1. ხელშეკრულების ჯამური ღირებულება შეადგენს ლარს.

2.2 ხელშეკრულების ჯამური ღირებულება უნდა მოიცავდეს მიმწოდებლისათვის მოქმედი კანონმდებლობით განსაზღვრულ ყველა გადასახდელს.

3. ხელშეკრულების შესრულების კონტროლი

3.1 ხელშეკრულებით ნაკისრი ვალდებულებების შესრულების კონტროლს და კოორდინაციას განხორციელებს ხულოს მუნიციპალიტეტის მერიის განათლების, კულტურის, ტურიზმისა და სპორტის სამსახური.

3.2. კორდინატორის ფუნქციებია:

3.2.1 მისაწოდებელი და/ან მიწოდებული საქონლის/მომსახურების მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება და მიღება-ჩაბარების აქტის გაფორმება;

3.2.2 სახელმწიფო შესყიდვების შესახებ ხელშეკრულების პირობების შესაბამისად მიმწოდებელთან ანგარიშსწორების პროცესის რეგულირება.

4. სტანდარტები

4.1. ხელშეკრულების ფარგლებში მიწოდებული მომსახურება უნდა შეესაბამებოდეს დადგენილ სტანდარტებს.

5. მომსახურების მიწოდების პირობები

5.1. მომსახურების მიწოდება უნდა განხორციელდეს ხელშეკრულების გაფორმებიდან შემსყიდველის მოთხოვნის შესაბამისად 2 (ორი) კალენდარული დღის განმავლობაში, 2018 წლის 25 დეკემბრამდე პერიოდში.

5.1.1 მომსახურების მიწოდება უნდა განხორციელდეს დანართი N1-ისა და დანართი N2-ის მიხედვით.

5.2 შემსყიდველი მომსახურების საჭიროებას მიმწოდებელს შეატყობინებს ელ. ფოსტის ან ტელეფონის მეშვეობით.

6. შესყიდვის ობიექტის მიღება-ჩაბარების წესი

6.1. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

6.3 მომსახურების მიღება-ჩაბარებას შემსყიდველის მხრიდან განახორციელებს ხულოს მუნიციპალიტეტის მერიის განათლების, კულტურის, ტურიზმისა და სპორტის სამსახური.

7. ანგარიშსწორება

7.1 ანგარიშსწორება მიმწოდებელთან ხორციელდება უნაღდო ანგარიშსწორების წესით, მიმწოდებლის მიერ მითითებულ საბანკო ანგარიშზე.

7.2 ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი და საგადასახადო დოკუმენტი.

7.3. ანგარიშსწორება მიმწოდებელთან განხორციელდება მიღება-ჩაბარების აქტის გაფორმებისა და საგადახდო დოკუმენტაციის წარმოდგენის შემდეგ 10 (ათი) სამუშაო დღის განმავლობაში.

8. მხარეთა უფლება-მოვალეობები

8.1 შემსყიდველი უფლებამოსილია:

8.1.1 საქართველოს კანონმდებლობის შესაბამისად, შეაჩეროს ან შეწყვიტოს ხელშეკრულების მოქმედება, თუ მიმწოდებლის მიერ წარმოდგენილი მონაცემები ყალბი აღმოჩნდება, აგრეთვე საქართველოს კანონმდებლობით გათვალისწინებულ სხვა შემთხვევებში;

8.1.2 აწარმოოს მიმწოდებლის მიერ მიწოდებული მომსახურების ხარისხის ინსპექტირება სახელმწიფო შესყიდვების შესახებ ხელშეკრულების შესრულების ნებისმიერ ეტაპზე.

8.2 შემსყიდველი ვალდებულია.

8.2.1 მოახდინოს ანგარიშსწორება მიმწოდებელთან წინამდებარე ხელშეკრულების მე-7 მუხლით გათვალისწინებული პირობებით;

8.3 მიმწოდებელი უფლებამოსილია:

8.3.1 მიიღოს მიწოდებული მომსახურების ხელშეკრულებით გათვალისწინებული ანაზღაურება;

8.4 მიმწოდებელი ვალდებულია:

8.4.1 გაუწიოს შემსყიდველს ტექნიკური პირობები დანართი №1-ით და ფასების ცხრილი დანართი №2-ით გათვალისწინებული მომსახურება.

8.4.2 საკუთარი რესურსებით უზრუნველყოს „შემსყიდველი“ ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა პირობებით.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ხელშეკრულებაში პირობების ნებისმიერი ცვლილება უნდა გაფორმდეს ხელშეკრულების დანართის (შეთანხმება) სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების პირობების შეუსრულებლობა

10.1. ხელშეკრულებით ნაკისრი ვალდებულებების, შეუსრულებლობისა ან/და დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო ხელშეკრულების ფასის 0,02 % პროცენტის ოდენობით;

10.2. იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ფასის 0.04% პროცენტს, შემსყიდველს უფლება აქვს შეწყვიტოს ხელშეკრულება.

10.3. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10.4. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 10 %-ის ოდენობით;

11. ხელშეკრულების შეწყვეტა მისი პირობების შეუსრულებლობის გამო.

11.1 წინამდებარე ხელშეკრულების შეწყვეტის საფუძვლებია:

ა) მხარეთა შეთანხმება;

ბ) ხელშეკრულებით ნაკისრი ვალდებულებების შესრულება;

გ) საქართველოს კანონმდებლობით გათვალისწინებულ სხვა შემთხვევებში.

12. ფორს-მაჟორი

12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1 შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2 თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის მხარეთა ხელმოწერის დღიდან და მოქმედებს 2019 წლის 31 იანვრის ჩათვლით.

15. გადასახადები და დაბეგვრა

15.1 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

16 სხვა პირობები

16.1 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17. მხარეთა რეკვიზიტები

„შემსყიდველი“

„მიმწოდებელი“

ხულოს მუნიციპალიტეტი

მის: დ. ხულო ტბელ აბუსერისძის ქ. №1

ხაზინის ერთიანი ანგარიში

ს.კ 248056311

ანგ. №GE24NB0330100200165022

ბ/კ: TRESGE22

ხულოს მუნიციპალიტეტის მერი

გოჩა მელაძე

(ხელმოწერა)

(ხელმოწერა)

ტექნიკური პირობები

ა) მგზავრთა დროულად და უსაფრთხოდ გადაყვანა უნდა განხორციელდეს ყველა სატრანსპორტო წესების დაცვით და გათვალისწინებით;

ბ) გასაწევი მომსახურების პერიოდის განმავლობაში ავტოსატრანსპორტო საშუალებები უნდა იყოს ტექნიკურად გამართულ მდგომარეობაში;

გ) სატრანსპორტო საშუალება უნდა იყოს გამართულ მდგომარეობაში, მძღოლი უნდა იყოს მაღალკვალიფიკაციური და ფლობდეს შესაბამისი კატეგორიის მართვის მოწმობას და შესაბამისი სატრანსპორტო საშუალების პრაქტიკული მართვის გამოცდილებას.

N	მომსახურების დასახელება	მომსახურების აღწერილობა	განზომილება	რაოდენობა
1	თბილისი-ბათუმი-ხულო-თბილისი	თბილისის საერთაშორისო აეროპორტიდან 124 კაცის კოსტუმირებასა და ინსტრუმენტების ერთად (სამი ქვეყნის ანსამბლი უკრაინის, ისრაელის , სლოვაკეთის) ტრანსპორტირება ქ. ბათუმისა და ხულოს მიმართულებით, ავტოსატრანსპორტს უნდა გააჩნდეს გაგრილების გამართული სისტემა, გამოშვების წელი 2005 წელს ზევით DVD და TV მონიტორით მუშა მდგომარეობაში აღჭურვილი. ფესტივალის დასრულების შემდეგ უკან დაბრუნება იგივე პირობებით	კაცი	124

2	ბათუმი- ხულო- ბათუმი	ქ. ბათუმიდან 68 კაცის ეკიპირებასა და ინსტრუმენტების ერთად (ორი ანსამბლი ბულგარეთის და რუსეთის) ტრანსპორტირება ხულოს მუნიციპალიტეტში, ავტოტრანსპორტს უნდა ქონდეს გაგრილების გამართული სისტემა, მიკროავტობუსი გამოშვების წელი 2005 წელს ზევით DVD და TV მონიტორით მუშა მდგომარეობაში აღჭურვილი. ფესტივალის დასრულების შემდეგ უკან დაბრუნება იგივე პირობებით	კაცი	68
3	ბათუმი -ხულოს გოდერძი- მწვანეტბა-ბათუმი	ბათუმიდან 196 კაცის (ხუთი ქვეყნის ანსამბლი უკრაინის, ისრაელის , სლოვაკეთის, რუსეთი, ბულგარეთი) ტრანსპორტირება ხულოს მიმართულებით შესაბამისი გამავლობის ავტომანქანით, ავტოტრანსპორტს უნდა გააჩნდეს გაგრილების გამართული სისტემა, გამოშვების წელი 2005 წელს ზევით DVD და TV მონიტორით მუშა მდგომარეობაში აღჭურვილი. ფესტივალის დასრულების შემდეგ უკან დაბრუნება იგივე პირობებით	კაცი	196

4	სამსახსოვრო დიპლომები და ფასიანი საჩუქრები	თითოეული ანსამბლისათვის სუვენირი (ჭიქა ხიხანის ცხის გამოსახულებით, მაისური წარწერით მე მიყვარს ხულო, ნახატი ხულოზე ან მწვანე ტბაზე) დიპლომი ჩარჩოთი, თითოეული ჩამონათვალი უნდა იყოს 5 ერთეულად დაპაკეტებული, დიპლომის ტექსტი და სუვენირების შეფუთვა შემსყიდველთან შეთანხმებით.	ცალი	5
---	--	--	------	---